

四庫全書

集部

欽定四庫全書

集部

劔南詩豪卷二十四

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官修撰臣戴衢亨

謄錄監生臣楊浚明

欽定四庫全書

劍南詩藁卷二十四

野步晚歸

宋 陸游 撰

江村十日喜霜晴
草死泥乾拄杖輕
溝港淺來無鷺下
郊原暖處有牛耕
奔馳久厭兒童戲
淪落偏知世俗情
欲向書窗了殘課
歸來猶占夕陽明

並山東南閒步至野人吳氏居乃歸

信步閒行遍四隣
擁籬老稚看綸巾
人隨世換朋儕少
志與年衰感慨頻
梅送冷香橫雪岸
雁翻孤影下煙津
豐年何地疇君賜
剩向旗亭作醉人

晝睡

我年垂七十齒髮日變遷
初無金丹術何以追飛仙
惟有一高枕可以餞餘年
蕭蕭敗榻上鼻鼾心了然
靜如豹隱霧湛若珠藏
淵寄語少年輩未宜嘲孝先

連日有雪意戲書

壯歲羈遊半九州即今顛顚老菟裘
狂心那復繳鴻鵠
世事已如風馬牛雪作未成增慘澹
葉飛欲盡更飈飈
聊將袖裏平戎事判斷千巖萬壑秋

兩蜀故人寄余閬中左縣題名石刻來皆二十餘
年矣悵然有感

憶過西州樂飲時百車載酒萬花園只言身外皆餘事
豈信人間有駭機雪鬢已成新夢境緇塵空化舊征衣
早知一笑難如此剩判年光醉不歸

歲晚

歲晚霜風正怒號
荒村敗屋擁藜蒿
窮猶可勉聖賢事
老豈遽忘鉛槧勞
從宦雖如棊已決
治經竊比繭初繅
閉門養氣淵源在
未敢推傷學楚騷

夢斷

夢斷燈殘聞雁聲
攬衣起坐待天明
街頭濁酒不堪醉
窗外疎梅空復情
人欲見擠真砭石
身寧輕用作投瓊
南湖可引春疇美
只合躬耕畢此生

雨聲

雨聲點滴朝復暮中有詩人絕塵句雲門咸池渺千古
斷譜遺音此其緒雨聲點滴夜不休中有羈臣去國愁
九疑聯翩湘水秋忠誠內激涕自流我今衰病百無念
卧對青燈吐殘焰支牀納息効寒龜傍枕長吟笑孤劍
雨聲不斷睡愈美窗白鴉啼攬衣起呼兒燒兔傾濁醪
又倚胡牀雨聲裏

農家

低垣矮屋俯江流
渾舍相娛到白頭
累世不知名宦樂
百年那識別離愁
飯餘常貯新陳穀
農隙閒眠子母牛
聞道少年俱孝謹
未應家法媿恬侯

夜行湖上

月痕澹欲無
斗柄低半沒
荒陂雁飛鳴
草屋牛卧齧
我行湖邊路
霜冷刮病骨
斷隄沙水溼
屨滑常恐蹙
殘年垂七十
野處猶短褐
窮死士所有
權門不可謁

冬夜讀書忽聞雞唱

齷齪常談笑老生丈夫失意合躬耕天涯懷友月千里
燈下讀書雞一鳴事去大牀空獨卧時來豎子或成名
春蕪何限英雄骨白髮蕭蕭未用驚

梅花絕句

凜凜冰霜晨皎皎風月夜南山有飛仙來結尋梅社

又

憶昔西戍日夜宿僊人原風吹野梅香夢繞江南村

又

錦城梅花海十里香不斷醉帽插花歸銀鞍萬人看

又

低空銀一鈎糝野玉三尺愁絕水邊花無人問消息

又

蘭荃古所貴梅乃晚見稱盛衰各有時類非人力能

又

子欲作梅詩當造幽絕境筆端有纖塵正恐梅未肯

又

清霜徹花骨霜重花欲折我知造物意遣子世味絕

又

士窮見節義木槁自芬芳坐回萬物春賴此一點香

又

南村花已繁北塢殊未動更賒一月期待我醉春甕

又

山月繡中庭幽人酒初醒不是怯清寒愁蹋梅花影

閉戶

簞瓢虛道不堪憂
閉戶方從造物遊
安樂本因無事得
功名常忌有心求
洗除仇怨忘戀觸
收歛光芒靜斗牛
兒報牀頭春甕熟
人間萬事轉悠悠

小園竹間得梅一枝

若耶溪邊鶴髮叟
流落一生端坐口
如今不怕桃李嗔
更因竹君得梅友
嶺頭羈旅萬里愁
江上淒涼一杯酒
枝橫澹月影在地
藥插烏巾香馥手
交情歲晚金石堅
孤操凜然真耐久
荒山野水終自得
銀燭金壺亦何有

夢魂不接莊周蝶心事肯付張緒柳晚來畫角動高城
起舞聊為放翁壽

梅花絕句

幽谷那堪更北枝年年自分著花遲
高標逸韻君知否正在層冰積雪時

又

萬瓦清霜夜漏殘小舟斜月過闌干
老來一事偏堪恨好看梅時却怕寒

得林正父察院書問信甚勤以長句寄謝

折柳湖南別尚新書來已見柳搖春
故情有此膠投漆薄俗從渠越視秦
長劔拄頤那復夢短衣掩脰未全貧
有詩亦欲頻持寄腸斷西江六六鱗

蔬食戲書

新津韭黃天下無色如鵝黃三尺餘
東門彘肉更奇絕肥美不減塞羊酥
貴珍詎敢雜常饌桂炊薏米圓比珠
還吳此味那復有日飯脫粟焚枯魚
人生口腹何足道

往往坐役七尺軀羶葷從今一掃除夜煮白石箋陰符
歎俗

風俗陵夷日可憐乞墻鉗市亦欣然看渠皮底元無血
那識虞卿魯仲連

晚飯罷小立門外有作

此心何敢慕輕肥尚媿無功飽蕨薇浦面鳥衝殘靄去
柳陰人荷一鋤歸病嗟短髮紛紛白老覺初心種種非
百步空庭著明月黃昏手自掩荆扉

觀梅至花涇高端叔解元見尋

春晴閒過野僧家邂逅詩人共晚茶
歸見諸公問老子為言滿帽插梅花

又

春暖山中雲作堆放翁艇子出尋梅
不須問信道傍叟但覓梅花多處來

春雪

江雲垂野雪如筵閏歲春來特地遲
倒盡酒壺終日醉

臥聽兒誦半山詩

舟過季家山小泊

困睫濛濛渴煮茶繫船來叩野人家
風翻翠浪千畦麥水漾紅雲一塢花
健犢破荒耕犂确幽禽除蠹啄槎牙
尋春非復衰翁事且伴兒童一笑譁

送王成之給事

我昔揚帆掠吳楚夜泊秦淮聽春雨
明朝冠蓋擁長亭誤辱諸公問良苦
是時衆中初識公天驥蹴踏萬馬空

知心投分財數語玉塵謾謾生清風冶城醉墨鴉棲壁
長干祖道花照席公方閉戶試諸生坐歎江山少顏色
爾來俛仰三十春欲話舊遊無故人豈知邂逅逢一笑
使我肝膽還輪囷衰遲少復入城市虛左屢招慙主意
忽聞上印却悽然悔不日日從公醉朝廷三載虛一相
如公早合鸞臺上滎河溫洛久風沙此段功名勿多讓

山家

白石青莎一徑斜斷無人迹到山家
梁間歸燕避微雨

池面遊魚爭落花雪鬢但增新感慨金鞭那復舊豪華
明窗睡起渾無事篝火風爐自試茶

送傑上人歸成都

錦城一別鬢成絲今日山陰送傑師亂絮飛花撲行路
正如東郭放船時

又

春夜挑燈話別愁此心已在錦江頭舊時處處塵昏壁
想復長吟為小留

落魄

落魄江湖七十翁
欲持一笑與誰同
蕭蕭雪鬢難藏老
寂寂蓬門可諱窮
好句尚來欹枕處
壯心時在倚樓中
無涯毀譽何勞詰
骨朽人間論自公

春晴出遊

芳樹參差葉已成
園林隨處聽鶯聲
遊人正樂還興歎
造物無心却有情
糝徑落紅猶可藉
漲溪分綠已堪耕
蘭亭禹廟年年好
剩伴鄉隣醉太平

題瑩上人二畫

天地又秋風
谿山憶剡中
孤舟幸閒著
借我訪支公

右剡谿

曉聽楓橋鍾
暮泊松江月
斯人亦可人
淡墨寫愁絕

右吳江

和張功父見寄

舉世何人念此翁
敢期相問寂寥中
回思舊社驚年往
細讀來書恨紙窮
我用荷鋤為事業
君將高枕示神通

叮寧一語宜深聽信筆題詩勿太工

又

佐命貂蟬再世孫手鉏瓜壟傍青門超騰已得丹換骨

戀著肯求香返魂

功父如夫人逝去聞
頗損眠食故及之

正復悲秋如騎

省可令病渴似文園庭前柏樹西來意握手何時得共

論

山家暮春

遶屋清陰合緣堤綠草纖起蠶初放食新麥已磨鎌苦

筍先調醬青梅小蘇鹽佳時幸無事酒盡更須添

又

行飯獨相羊扶藜過野塘晴光生蝶粉暖律變鶯吭麴
美羣兒競蠶饑小婦忙深知遊宦惡窮死勿離鄉

讀王季夷舊所寄詩

燈前忽見季夷詩淚灑行間不自知醉別西津如昨日

露晞漙滅已多時

余在京口與季夷別遂不復相見

題庠閣黎二畫

秋山瘦嶙峋秋水渺無津如何草亭上却欠倚闌人

右秋景

溪上望前峯巉巉千仞玉渾舍喜翁歸地爐煨芋熟

石雪景

入雲門小憩五雲橋

穀雨初過換夾衣園林零落到薔薇鳴鳩日暖遙相應
雛燕風柔漸獨飛臺省多才吾輩拙江湖久客暮年歸
雲門蹋月方清絕且倚溪橋看夕霏

黃耆小店野飯示子坦子聿

山林久衰病生世幾清明未作松根卧猶尋溪上行食
新炊麥飯嘗饑啜蕪羹孺子雖知學家貧且力耕

山園

山園寂寂閉春風箇裏天教著放翁萬事已拋孤枕外
一尊常醉亂花中閒隨戲蝶忘形久細聽啼鶯得意同
月桂可憐常在眼小簫時放一枝紅

入城至郡圃及諸家園亭遊人甚盛

老子何曾慣市塵今朝也復入城闉太平有象人人醉
造物無私處處春九陌鶯花娛病眼一竿風月屬閒身
不緣興盡回橈早要就湖波照角巾

次韻范參政書懷

養氣頽然似木雞謗讒寧復問端倪生塵甑煖喜炊黍
輶金羹香忘糝藜萬里曾遊雲棧北一庵今卧鏡湖西
殘年老病侵腰膂那得隨人病夏畦

又

已著山林掃塲衣洗除仕路劒頭炊心光焰焰雖潛發
領雪紛紛已太遲度日只今閒水牯知時從昔羨山雌
掩關未必渾無事擬徧寒山百首詩

又

身寄崦嵫欲盡時且貪餘景伴兒嬉故廬手種竹千箇
醉帽時簪花一枝蠹篋有書供夙好衡門無客作新知
羊裘自欠封侯骨敢道君房徹底癡

又

感昔傷懷一喟然事賢猶及紹興前此身顛仆應無日
諸老凋零不計年客少可羅門外崔家貧也辦杖頭錢
插花醉舞春風裏不學龐翁更問禪

又

春寒還似暮冬天敗絮重披有蟲緣雖欠高僧分白氎
偶蒙暴客恕青氈濁醪盎盎貧猶醉倦枕昏昏晝亦眠
年少從渠笑衰嬾相呼禹廟看龍船近有偷兒取二釜去他幸無所失亡

又

祠祿恩寬亦例沾屏居懷抱苦厭厭戍邊事往功名忤
迎客兒扶老病兼遇興榜舟無遠近破愁沽酒任酸甜
殘年唯有讀書癖盡發家藏三萬籤

又

芋栗多儲煮復煨一塵那許到靈臺虹穿道室爐丹熟
龍吼空山匣劍開躡屩未成遊地肺掩扉聊欲隱天台
桃花榮謝吾何預一任劉郎去後栽

又

探梅方憶雪中歸轉眼青青子滿枝
築圃漫為娛老計
褰牋又賦送春詩
乞身何日還初服
生食終年媿聖時
睡起西窗澹無事
一枰閒看客爭碁

又

宇內寓形財幾時
西山俄已迫斜暉
百年過隙古所歎
衆口鑠金胡不歸
已是平生行逆境
更堪末路踐危機
夜香一炷無他祝
稽首虛空懺昨非

又

趙州行脚我安能
閑却床邊六尺藤
釣閣卧聽西澗雨
棊軒遙見北村燈
平生愛睡如甘酒
晚歲憂讒劇履冰
剩欲舒懷畲清獻
半空鸞鳳媿孫登

春晚村居雜賦絕句

作堤蜿蜿六百尺
西崦東村成一家
春雨乍晴桑吐葉
秋風初冷稻吹花

又

鵝兒草綠侵行路
幘子花明照屋除
處處乞漿俱得酒

杖頭何恨一錢無

又

一篙湖水鴨頭綠
千樹桃花人面紅
茆舍青帘起余意
聊將醉舞畱春風

又

朝書牛券拈枯筆
暮祭蠶神酌凍醪
閒放無憂窮有意
傍人錯羨此翁高

又

澆書滿挹浮蛆瓮攤飯橫眠夢蝶牀莫笑山翁見機晚

也勝朝市一生忙

東坡先生謂晨飲為澆書
李黃門謂午睡為攤飯

又

午枕閉門無客攪夜燈開卷有兒同若為牋與天公道
盡乞餘生向此中

沽埭西酒小酌

埭西小店酒新篘一醉今朝覺易謀從曠劫來俱有死
出青天外始無愁功名未許妨高卧風月猶能賦遠遊

造物向人元不薄
卷簾萬頃鏡湖秋

戲詠村居

歌起陂頭正插秧
梯斜籬外又求桑
日長處處鶯聲美
歲樂家家麥飯香
林杏半丹禁宿雨
鼓萱自斂避斜陽
北窗合是羲皇上
已置臨風八尺床

又

馬跡車聲斷已無
隣翁笑語自相呼
衣裁大布如亭長
船設低篷學釣徒
慙物欲師僧施食
畏人愁報吏催租

陳蕃壯志消磨盡一室從今却掃除

戲詠閒適

鈔書字細眼猶明
擣藥聲清疾漸平
桐葉雨邊尋斷夢
菊花香裏散餘醒
人間榮辱知難到
紙上興亡看亦輕
惟恨暮年交舊少
滿懷情話向誰傾

又

剡曲稽山是故鄉
人言景物似瀟湘
三升花露春壺滿
八尺風漪午枕涼
樹合綠陰山鵲鬧
盆鐫紫石水梔香

回思烏帽京塵客始覺幽居白日長

又

涉世心知百不能閉門嬾出病相仍
簞瓢味美如烹鼎
隣曲人淳近結繩
半顆鴉殘墻外杏
一枝鵲裊澗邊藤
蕭然埽盡彈冠興
敢為詩情望武陵

夜與兒子出門閒步

家住黃花入麥村閒將稚子出柴門
草根螢墮久開闔
雲際月行時吐吞未分悲憂攻齒髮
已將生死付乾坤

舊書半蠹猶堪讀
糲飯藜羹莫更論

老景

老景雖無幾為農尚有餘
曾傳種魚術新得相牛書
黍酒時留客菱歌或起予
平生湖海志高枕看嚴徐

初夏

筍生遮狹徑溪漲入疎籬
漸及分秧候還當煮繭時
雨昏雞共嬾米盡鼠同饑
村巷無來客清羸只自知

晨起

老病少睡眠卧見天窗白棲鳥亦已鳴一一翻去翮我
起將何之且復守書冊收歛萬里心未厭容膝迨吾家
讀書法一字亦當覈勉哉積新功莫問幾時客

王右丞
歎白髮

詩曰俯仰天地
間能為幾時客

月夜短歌

老夫倚杖當戶立霜氣青冥月輪溼颼颼短髮冷入頂
更覺衣屨清風襲月落欲盡夜蒼茫回顧明星已煌煌
明星雖高未須喜三足陽烏生海底

小軒

四面山如碧玉城小軒聊得愜幽情乍飛乳燕低無力
自落來禽靜有聲麟筆殘功成水晶蛇圖餘思入碁枰
閒中事業吾能了未恨林廬送此生

愛閒

愛閒惟與病相宜壯歲懷歸老可知睡熟素書橫竹架
吟餘犀管閣銅螭水芭蕉潤心抽葉盆石榴殘子壓枝
堪笑放翁頭白盡坐消長日事兒嬉

靜院

靜院房櫳雨送涼熏籠衣幘潤生香
小屏風墨圖遙碧古錦囊書榻硬黃
已占江湖寬處老絕知日月靜中長
敲門無客妨人睡更覺餘年樂未央

雨晴

閒曳枯筇自在行曲廊小閣賞新晴
幽禽葉底吟風久殘雨枝間照日明
茶映盞毫新乳上琴橫薦石細泉鳴
亦知老健終難恃且復蕭然得此生

讀史有感

英雄自古埋秋草
世上兒童共笑狂
射賊曾飛白羽箭
閉門空枕綠沉櫳
隆中高卧人千載
易水悲歌淚數行
讀盡青編窗日晚
一尊聊復弔興亡

暮歸

意行無所之
偶傍陂頭立
空村犬吠豪
高樹蟬嘒急
風塵一身老
海宇萬感集
還家日已暮
草露青鞋溼

仰首座求鈍菴詩

鈍菴來問鈍何如真箇能參鈍也無掘井及泉那用巧
磨磚作鏡未為愚先師鉢袋當傳後上座蒲團莫負渠
我亦年來念休歇約君同作鈍工夫

壁老求笑菴詩

臺省諸公六出奇江湖狂客一生癡無人為問淨光老
撫掌掀髯端為誰

又

車馬往來塵暗天淨光欣喜接諸賢半甌春茗無多費

且結來生一笑緣

浴罷

浴罷西軒物色幽
卧看香霧上衣篝
半廊月白初侵夜
一葉桐飛忽報秋
老覺年光殊衮衮
病知心事斷悠悠
碧筩且作池邊醉
玉色新醅手自篘

夜坐水次

房星縱心星橫
北斗高掛南斗傾
蓼根熠熠螢火明
葦簳哀哀姑惡聲
我倚胡床破三更
溪風吹衣月未生
玉

門關拂雲城何時連營插漢旌白頭書生未可輕不死
令君看太平

六月十四日微雨極涼

湖上清秋近齋中白日長雲來樹收影雨過土生香蓮
小紅衣溼瓜甘碧玉涼晚來幽興極移榻近方塘

十五日雲陰涼尤甚再賦長句

襌襪京塵觸熱行豈知世有野堂清磴茶落雪睡魔退
激水跳珠涼意生疊疊清風隨塵柄悠悠長日付棋枰

小舟先向蘋汀泊浴罷還須泛月明

水亭晚眺

暑雨初晴浦面寬水亭景物卷簾看
聯舟作陣圍魚隊屈竹成籬護芡盤
四海諸公半丘壘百年幾夕倚闌干
日沈未用忽忽去待挽銀河濯肺肝

自詠

萬事不挂眼終年常避人荒畦荷鋤晚
環堵結茆新病馬何勞斥輕鷗未肯馴
雖慙市門卒聊作葛天民

立秋前四日夜泛舟至跨湖橋

短楫追涼十里來夜深却御便風回
離離蒲葉先秋老
嫋嫋蘋花帶露開陌上歌呼簪稻穗
橋邊燈火賣官醅
時平樂事知何限未歎流年兩鬢催

信筆

為善得旤吁可悲顏回短命伯夷饑
何人長號血續淚
天自無心君自癡

又

少年醉眼傲王侯末路悲歌夜飯牛濟世有時生一念
鏡中白髮勸人休

又

急雨初過景物奇一天雲作細鱗差畫橈弄水三十里
恰是西村煙暝時

示兒

斥逐襟被歸招喚振衣起此是鄙夫事學者那得爾前
年還東時指心誓江水亦知食不足但有餓而死小兒

教汝書不用日十紙字字講聲形仍要身踐履果能稱
善人便可老鄉里勿言五鼎養肉食吾所鄙

青山白雲歌

青山白雲翁放浪酒中死埋骨長松根夜夜聽谿水松
老會作薪骨朽會作塵但留千載狂名在知我它年自
有人

小市

小市狂歌醉墮冠南山山色跨牛看放翁胸次誰能測

萬里秋空未是寬

蓬萊館午憩

驛門繫馬聽蟬吟
翻動平生萬里心
橋畔笛聲催日落
城邊草色帶煙深
關河歷歷功名晚
歲月悠悠老病侵
憶戍梁州如昨日
憑闌西望一沾襟

夢遊散關渭水之間

平生望眼怯天涯
客裏何堪度歲華
但恨征輪無四角
不愁歸路有三叉
驛窗燈閣傳秋杵
關樹煙深宿暮鴉

叱犢老翁頭似雪
羨渠生死不離家

劔南詩藁卷二十四

欽定四庫全書

劔南詩藁卷二十五

宋 陸游 撰

秋夜

清夜不成寐出門還浩歌
斷雲微翳月薄露不傾荷
絡緯知時早梧桐奈汝何
非關老懷惡秋物感人多

世事

世事本難全吾生已媿天
借書常裋載餽酒亦蟬飴

粥隨時具湖山此地偏殘年更何慕未死即神仙

夜半池上作

夜永空齋睡不成起扶藤杖傍池行
露濃雙鵲移枝宿風急孤螢墮草明
斷續更籌傳古戍縱橫河漢接高城
寒泉未漱神先爽靜聽銅瓶汲井聲

秋夜將曉出籬門迎涼有感

迢迢天漢西南落喔喔鄰雞一再鳴
壯志病來銷欲盡出門搔首愴平生

又

三萬里河東入海五千仞嶽上摩天遺民淚盡邊塵裏
南望王師又一年

夏秋之交久不雨方以旱為憂忽得甘澍喜而有
作

亂點灑庭蕪涼聲集井梧綠荷傾作汞翠蔓綴成珠卧
聽病良已行吟愁欲無天公終老手談笑活焦枯

藥圃

少年讀爾雅亦喜騷人語幸茲身少閒治地開藥圃破
荒劚瓦礫引水灌膏乳玉芝移石帆金星取天姥申椒
蘼蕪葦一一聚可數次第雨苗滋參差楓葉舉山僧與
野老言議各有取瓜香躬采曝泉潔謹炊甕老夫病若
失稚子喜欲舞餘年有幾何長鑱真託汝

書歎

只道才高始不容無才也墮駭機中市朝回首已陳迹
日月催人成老翁仗馬自貪三品料雲鵬方駕九天風

今朝有喜君知否
揀得烟汀下釣筒

夜興

夜出茆堂自撒扃
烏藤與我兩伶俜
涼蟾吐暈圍千丈
老木移陰可一庭
隔浦呼鳴聞宿鳥
傍簷開闔數流螢
放翁尚友論千載
不取梁鴻即管寧

間中頗自適
戲書於客座

髮猶半黑臉常紅
老健應無似放翁
烹野八珍邀父老
燒窮四和伴兒童

野八珍見王履道詩
世又有窮四和香法

剪紗新製簪花

帽乞竹寬編養鶴籠巢許夔龍竟誰是請君下語勿匆

新涼夜坐有作

老夫任運本騰騰一念軒裳實未曾閒似苔磯垂釣叟
淡如村院罷參僧硯屏突兀蓬婆雪書几青瑩蓮勺燈
臨邛雪山硯屏及漢嘉古
樣燈檠皆吾書室中物也稚子可憐貪夜課語渠循舊
未須增

荷花

風露青冥水面涼
旋移野艇受清香
猶嫌翠蓋紅粧句
何況人言似六郎

又

南浦清秋露冷時
凋紅片片已堪悲
若教具眼高人看
風折霜枯似更奇

醉中作

宦遊三十載舉步亦看人
愛酒官長罵近花
丞相嗔湖山今入手
風月始關身
少吐胸中氣
從教白髮新

題齋壁

平生喜蕭散垂老厭奔走三千鏡湖上樂事未曾有晨
開一卷書暮把一卮酒病除覺身輕赤脚自蹋藕乃知
造物意亦未棄衰朽今夕月殊佳出門喚鄰叟

老將

憶昔東都有事宜夜傳帛詔起西師功名無分身空在
猶指金創說戰時

又

百戰西歸變姓名悲歌擊筑醉湖城
貂裘換得金鷄觜
種藥南山待太平

白髮

疾病侵壯年髮恐不及白偶賴針石功
寓世成久客行
年垂七十霜雪紛滿幘耳目雖已衰亦未與人隔
濯纓
千頃湖送老五畝宅大布縫長衫東阡復南陌

小雨

百穀畏秋陽常恐膏澤吝大哉天公仁
脉霽來有信蘋

汀水未長藥壠土先潤新涼生葛衣老僊亦小振

秋日郊居

山雨霏微鴨頭水溪雲細薄魚鱗天幽尋自笑本無事
羽扇筇枝上釣船

又

行歌曳杖到新塘銀闕瑤臺無此涼萬里秋風菰菜老
一川明月稻花香

又

秋日畱連野老家朱槃鮓鱸粳如花已炊藟散真珠米

更點丁坑白雪茶

藟散米名
丁坑茶名

又

車蕩比鄰例饋魚流涎對此四腮鱸北窗雨過涼如水

消得先生一醉無

又

今年斟酌是豐年社近兒童喜欲顛半醉半醒村老子
家家門口掠神錢

又

魚鹹滿缶酒新筍處處吳歌起壠頭上客已隨新雁到

晚禾猶待薄霜收

刈及諸暨人以八月來水鄉助穫謂之上客以其來自山中也

又

兒童冬學鬧比鄰據案愚儒却自珍授罷村書閉門睡

終年不著面看人

農家十月乃遣子入學謂之冬學所讀雜字百家姓之類謂之村書

又

兩翁兒女舊論姻酒擔羊腔喜色新不遣交情隔生死

固應世好等朱陳

小兒子聿聘亡友張叔渚季女蓋尋舊約也

七月十七日大雨極涼

吳中七月熱未已渴烏呀呀井無水炎官護前不少斂
樹頭敢望秋風起天公老手亦豈難雨來黑雲如壞山
瓦溝淙淙萬銀竹變化只在須臾間老夫挑燈北窗下
山童夜歸泥過踝草根促織有底忙縑衣未贖還慨慷

雨中作

山雨時時急谿流日日添溼苔綠暗壁腐瓦落頽簷老

至那容却狂來未易砭泥深村路絕烟樹出青帘

秋興

天遣幽人儘放狂醉眠無復客為妨墨蛟飛下剡藤滑
蒼壁礮成官焙香老境雖深身更健清秋欲半日猶長
閉門莫道都無事又了移花一段忙

又

蓬蒿門巷絕經過清夜何人與晤歌蟋蟀獨知秋令早
芭蕉正得雨聲多傳家產業遺書富玩世神通醉臉酡

如許癡頑君會否一毫不遣損天和

又

老子雖貧未易量風流猶在小茆堂
葡萄錦覆桐孫古鸚鵡螺斟玉瀝香
千點荷聲先報雨一林竹影剩分涼
秋來便有欣然處新種蓴絲已滿塘

雨夜南堂獨坐

老夫眼暗牙齒疎七十未滿六十餘
故人欲盡誰與娛獨坐默誦小年書
北風日夜吹雨急空村泥深屋茆溼

鳳凰覽德乃下集可憐飛螢常熠熠

夜不能寐復呼燈起坐戲作

吳中秋半暑未退今歲雨多如許涼樂與熒熒伴孤寂
三更袖手聽啼螢

喜晴

久雨羣蛙日夜號樂哉霽色滿江郊草書已悟屋漏壁
詩句免悲風卷茆喚婦晴鳩鳴廢圃歸林棲鷓補危巢
泥乾我亦思來客未暇移書廣絕交

枕上

守書眼欲閉投枕乃瞭然兒曹戒曳履相語翁正眠豈
知擁敗褐炯如寒魚鰓少時笑老人其事今好還蕭蕭
雙白鬢忽忽七十年豈惟老態出已覺衰病纏白晝尚
便靜況此清夜闌妙處殆難名睡與不睡間

新作南門

弊廬本西鄉設門紹熙壬子
歲始翦闢荆棘移門南鄉

翦棘移門不費錢好山無數碧巉然病夫憤憤真堪笑
反衣狐裘三十年

寄成漢卿將軍

燕領將軍萬里遊，谿山好處即遲留。
頗聞南岳度殘夏，寧憶北平防盛秋。
君已飛騰丹換骨，我方衰病雪蒙頭。
禪龕也有新勲業，百萬魔軍一戰收。

病卧

病卧東齋怕攬衣，年來真與世相違。
橫林蠹葉秋先覺，別浦驕雲暝不歸。
歲月惟須付樽酒，江山竟是屬漁磯。
鄰翁一夕成今古，愈信人生七十稀。

村東吳翁病
一夕而卒

晚晴

今年秋多陰殊未決豐歉時時雲一片復作雨數點晚
來晴頗牢天宇碧如染微風過林梢斜日在山崦農家
築場罷竭作事收斂貪睡吾可慙齋扉晝長掩

秋雨初晴有感

炎曦赫赫尚餘威冷雨蕭蕭故解圍號野百蟲如自訴
辭柯萬葉竟安歸芰羹菰米珍無價上釣魴魚健欲飛
散吏何功霑一飽高眠仍聽擣秋衣

獨飲

怪怪奇奇不自懲
晚途猶復氣橫膺
觥船那待清歌勸
酒到愁邊量自增

小築

小築湖邊避俗囂
幾年于此寓簞瓢
雖非隱士子午谷
寧媿詩人丁卯橋
羅雀門庭無俗駕
緣雲磴路有歸樵
詩情酒興常相屬
堪笑傍人說寂寥

示兒

文能換骨餘無法學但窮源自不疑齒豁頭童方悟此
乃翁見事可憐遲

新晴

積雨已淒冷新晴還少和稼收平野濶木落遠山多土
潤朝畦菜機鳴夜擲梭時清年歲好吾敢歎蹉跎

晨起坐南堂書觸目

林塘天與占深幽一把茆輕萬戶侯漠漠斷雲開復合
纖纖微雨落還收奇峯角立千螺曉遠水平鋪足練秋

詩料滿前吾老矣筆端無力固宜休

壬子八月癸卯大風雨拔木飄瓦通夕不能寐

我昔浮江坐貪快六十幅蒲船尾挂惡風吹到馬當祠
出沒蜿蜒舞澎湃舟人失色急倒橈共上蘆灣望祠拜
風雲晝晦性命憂更復何心問薪菜顛危僅免葬魚腹
至今常抱垂堂戒豈知風雨有茲夕屋破窗鳴紛百怪
直疑屋外即長江九轉得生那可再正襟默坐徐自思
忠信固可當喪敗鬼神雖惡技有窮卷地破山真一噫

明朝倚杖看晴雲茲夕驚心復何在

秋雨不止排悶

放翁愁坐茆齋裏泥潦連村不得行
夜夜溼星占雨候時時老木送秋聲
小詩旋錄魚行草薄酒新篘任濁清
身世正如萍在水略無根柢也能生

用短

用短定非癡愛閒真復竒飯香貧始覺
睡味老偏知畦地閒栽藥畱僧靜對
碁餘年猶有幾捨此欲何之

覽鏡有感

齒如敗屐鬢成絲七十之年敢自期閱世久應書鬼錄
強顏那復乞山資緋衫蔭子踰初望下澤還鄉負聖時
回首墮溝元有命不須深計巧丸兒

哭徑山策老

岌岌龍門萬衲傾翩翩隻履又西行塵侵白拂繩床冷
露滴青松石塢成遙想再來非四入尚應相見話三生
放翁大欠修行力未免人間愴別情

松風

東嶺諸松多
余丙戌歲手種
距今壬子二十有七年矣

半嶺松風破睡時
起看山月倚筇枝
縱橫滿地髯龍影
盡是當年手自移

醉歌

佛如優曇時一出
老姥何為憎見佛
山從古在天地間
愚公可笑欲移山
火其書廬其居佛
亦何曾可掃除子
有孫孫有子山竟
差我汝何喜床頭
有酒敵霜風詩成
老氣尚如虹八萬
四千顛倒想與君
同付醉眠中

秋夜讀書有感

鬢毛焦禿齒牙疎老病燈前未廢書
卷裏光陰能屬我人間聲利久忘渠
窮山藏拙猶嫌淺糲飯支羸不願餘
雨露安能澤枯朽故人枉是費吹噓

時所聞
如此

瀘州亂

高寺坡前火照天南定樓下血成川
從事橫屍太守死處處巷陌森戈鋌
此州雄跨西南邊平安烽火夜夜傳
豈知癰疽潰在內漫倚築城如鐵堅
從來守邊要人望

縱有奸謀氣先喪即今死者端為誰姓名至死無人知
東鄰築舍與兒輩訪之為小畱

甲第潭潭莫羨渠窮人從昔愛吾廬茆茨新潔嗟何欠
隣里追隨故不疎甕醬芬香盤早免臼齏珍醖膾寒魚
年豐日有攜尊興家乘從今不一書

黃魯直有日記謂之家乘

夜坐

瘦骨倚蒲團燈前影自看心清便獨夜酒盡怯新寒病
虎減精采飢鴻摧羽翰晚途堪笑閑猶擬乞祠官

西隣亦葺所居復與兒曹過之

竹屋茆檐烟火微長歌相應負禾歸窮居幸可支朝夕
世事何曾有是非新茁畦蔬經宿雨半開籬槿弄斜暉
老翁略與吾年等眷眷遮畱莫苦違

有術士過門謂余壽及九十

形骸鶴瘦復松枯況是新霜滿鬢鬚醉似在家狂道士
愚于識字老耕夫敢言萬里封侯事但問縱文入口無
許我年如伏生比逢時猶解誦唐虞

晚眺

秋晚閒愁抵酒濃
試尋高處倚枯筇
雲歸時帶雨數點
木落又添山一峯
鳴雁沙邊驚客舫
行僧烟際認樓鐘
箇中詩思來無盡
十手傳抄畏不供

秋日焚香讀書戲作

世事無端自糾紛
放翁隱几對爐熏
好官何恨輸玄保
竒字猶須屬子雲
婆律一鉢能敵國
水沈盈握有兼斤
閉門莫怪常終日
不是高人不遣聞

九月一日夜讀詩橐有感走筆作歌

我昔學詩未有得殘餘未免從人乞力孱氣餒心自知
妄取虛名有慙色四十從戎駐南鄭酣宴軍中夜連日
打毬築場一千步閱馬列廐三萬匹華燈縱博聲滿樓
寶釵豔舞光照席琵琶絃急冰雹亂羯鼓手勻風雨疾
詩家三昧忽見前屈賈在眼元歷歷天機雲錦用在我
剪裁妙處非刀尺世間才傑固不乏秋毫未合天地隔
放翁老死何足論廣陵散絕還堪惜

上書乞再任沖佑

虬枝六尺藤方屋九寸帽人間無處著山水歸寄傲耳
中間淵明自我髮未燥高標不可揖七十忽已到明窗
置經龕奧室養丹竈雖云迫遲暮要足平昔好悠然萬
念空快若河卷掃寄聲幔亭雲行拜散人號

秋晚歲登戲作

水落沙痕出天高野氣嚴麝香油乍壓壑美韭新醃裘
褐風霜逼衡茆醉夢兼菊花香滿把聊得擬陶潛

又

漫漫蕎鋪白纍纍橘弄黃未論癡腹飽已覺醉魂香曳
杖行歌裏拋書倦枕傍軒車雖已矣終媿食官倉

時方謀祠

祿

舟中望禹祠蘭亭諸山

艣枝謳軋出烟津醉倚船篷岸幅巾禹穴探書慙舊學
塗山執玉記前身雲低野澤號新雁露濕芳洲老白蘋
逸少亡來欲千載眼中髣髴見清真

夜觀嚴光祠碑有感

我昔過釣臺峭石插江渌登堂拜嚴子挹水薦秋菊君
看此眉宇何地著榮辱雒陽逢故人醉腳加其腹書生
常事爾乃復駭世俗正令為少畱要非昔文叔平生陋
范曄瑣瑣何足錄安得太史公妙語寫高躅

閒趣

濯罷銅駝陌上塵此生長作水雲人更貧家業猶供酒
未死年光盡屬身閉戶碁聲聞腦膊卷簾山色對嶙峋

貴公漫說林間事東路何人岸角巾

壬子九日登山小酌

老懷多感驚佳節病骨宜寒喜薄霜
玉膾壺中橙尚綠彩猶饒上菊花黃
幾年虛負登高興何許重尋落帽狂
淺酌易醒歸薄暮又成支枕獨焚香

舍北望水鄉風物戲作絕句

西風沙際矯輕鷗落日橋邊繫釣舟
乞與畫工團扇本青林紅樹一川秋

新黏竹隔作煥閣

骨相元作臞儒酸沉復疾豎乘衰殘鷄姑聲急雨方作
烏柏葉丹天已寒封姨青女交作尾竹君褚生却憐客
小兒但喜夜爐紅老夫更愛晨窗白蝸牛負廬亦自容
是豈不足支窮冬已勝展鉢三椽下莫羨苴茆萬戶封

禹跡寺南有沈氏小園四十年前嘗題小閨壁間
偶復一到而園已易主刻小閨于石讀之悵然
楓葉初丹槲葉黃河陽愁鬢怯新霜林亭感舊空回首

泉路憑誰說斷腸壞壁醉題塵漠漠斷雲幽夢事茫茫
年來妄念消除盡回向禪龕一炷香

贈鏡中隱者

小築林間避世紛不妨野叟是知聞來遊喜有檝迎我
歸卧豈無雲贈君得鹿夢回初了了吠獒聲惡尚狺狺
從今雪夜頻相過紙帳蒲團要策勲

月夜作

江風吹微雲長空散魚鱗秋露洗明月青山湧水輪我

病適良已欣然岸綸巾索酒惱諸兒哦詩驚四鄰頗覺
胸次空未歎白髮新庭菊卧殘枝奇香猶絕塵園梅雖
未花瘦影已可人方池湛齋淪醜石立嶙峋幸無千金
費亦足終吾身樂哉何所恨擊壤從堯民

記夢

我夢結束遊何邦小憩野館臨幽窗千峯廬山錦繡谷
一水蜀道玻璃江春耕叱犢翁眉厖曉汲負盜女髻雙
忽然夢斷已雞唱擁衾坐待鄰鐘撞

感舊

當年書劔揖三公談舌如雲氣吐虹十丈戰塵孤壯志
一簪華髮醉秋風夢回松漠榆關外身老桑村麥野中
奇士久埋巴硤骨燈前慷慨與誰同

獨孤景畧死于忠州十年矣

小園

窄窄柴門短短籬山家隨分有園池客因問字來攜酒
僧趁分題就賦詩晨露每看花畵圻夕陽頻見樹陰移

此二事非閒寂不知也

拂衣司諫猶忙在此趣淵明却少知

初冬

已罷彈冠欲挂冠一菴天遣養良殘雨荒園菊枝枝瘦
霜染江楓葉葉丹羹金帶鱗烹白小蓬門和蔓繫黃團
夕陽更動閒遊興十月吳中未苦寒

閒中樂事

轉老轉迂疎胸中一物無放言誇酒聖著論笑錢愚掃
地收松粉全巢買鶴雛登臨未應倦天給短筇扶

又

得喪畧相當幽居氣味長五窮雖偃蹇二豎已奔忙出
甌桃花軟傾瓢竹葉香語君真富貴不是傲羲皇

小舟

小舟無定處隨意泊江村雲氣分山疊沙汀蹙浪痕宦
途危虎尾間味美熊蹯高詠淵明句吾將起九原

九月二十三夜小兒方讀書而油盡口占此詩示
之

徹骨貧來累始輕孤村月上正三更汝因油盡眠差早

我亦尊空醉不成南陌金羈良自苦北邙麟冢半無名
書生事業期千載得喪從來未易評

今年立冬後菊方盛開小飲

胡床移就菊花畦飲具酸寒手自攜野實似丹仍似漆
村醪如蜜復如壑傳芳那解烹羊脚破戒猶慙臂蠚臍
一醉又驅黃犢出冬晴正要飽耕犁

行飯暮歸

宿疾去如掃出門芒屨輕菊叢寒蝶鬧楓葉夕陽明結

陣看鴉集銜衣喜犬迎跼蹐搔白首詩句入經營

晝眠

困睫曹騰老孝先麤氎布被早霜天珥貂碧落應無分
且向人間作睡仙

睡覺聞兒子讀書

夢回聞汝讀書聲如聽簫韶奏九成且要沈酣向文史
未須辛苦慕功名人人本性初何欠字字微言要力行
老病自憐難預此夜窗常負短燈檠

余得木杖于秦望山中今三十年矣隴蜀萬里未
嘗相捨戲賦長句贈之

提攜到處覺身輕楚澤秦關不計程只道維摩無侍者
誰知上座是同行青鞵白拂真相稱湘竹谿藤誤得名
珍重從今常倚壁住菴吾欲過浮生

步至近村

藥物扶持疾漸平布裘絮帽出柴荆荒堤經雨多牛跡
村舍無人有碓聲數蝶弄香寒菊晚萬鴉回陣夕楓明

老翁隨意閒成句不似劉侯要取名

五鼓不得眠起酌一盃復就枕

栖冷雞聲咽窗深燭焰明流年容易過華髮等閒生濁
挹連醅酒香搓帶葉橙殘骸付螻蟻汗簡更須名

醉倒歌

曩時對酒不敢飲側睨旁觀皆貝錦狂言欲發畏客傳
一笑未成憂禍稔如今醉倒官道邊插花不怕顛狂甚
行人喚起更鬼昂牧豎扶歸猶踈蹠始知人生元自樂

誤計作官常懍懍秋毫得喪何足論萬古興亡一酣枕

冬夜

新醅引睡睡味濃有如猩脣薦駝峰屏深氈煖衾稠重
鼻端雷起驚兒童床頭蘭缸綴玉蟲雙瓶湯熱爐正紅
夢回起坐夜未中憑几困睫猶瞢瞢霜風凋盡玉井桐
月落翠霧棲房櫳一盃嬰果蠻奴供莊周蝴蝶兩俱空

默坐

巧說安能敵拙修焚香默坐一窗幽煌煌炎火常下照

浩浩黃河方逆流氣住神仙端可學心虛造物本同遊
絕知此事不相負荊棘剪除梨栗秋

日暮

浙浙風吹葉淒淒雨作泥鵲寒猶遶樹雞晚自歸棲老
病心知有榮枯理本齊端居嫌太嬾拾瓦傍蔬畦

遣興

勲業如今莫繫懷開單日日學僧齋讒深只有天堪問
憂極渾無地可埋看鏡已成雙白鬢登山猶費幾青鞋

晚來詩興誰能那
雀噪空園葉擁堦

泛舟

去去泛輕舸飄然興自豪
葉凋山寺出溪瘦石橋高草
徑牛羊下烟村鶴鶴號還家
一盃酒未畏暮風饕

夜讀范至能攬轡錄言中原父老見使者多揮涕
感其事作絕句

公卿有黨排宗澤
帷幄無人用岳飛
遺老不應知此恨
亦逢漢節解沾衣


初冬掃東山之麓置數石於喬松巨竹間以眺西
山甚自適也

護霜天氣半晴陰小嶺蒼寒蘚徑深翠靄欲成孤鳳舞
青松先作老龍吟漁歌浦口生高興騎吹邊頭負壯心
兒報東村早梅發杖藜與汝共幽尋

南堂脊記乃已三十年偶讀之悵然有感

一住三山三十載交親漸覺眼前稀長松鬱鬱偃高蓋
新竹森森添舊圍沙徑雨餘畱鳥迹柴門日落鎖烟扉

放翁正倚蒲團穩遼海從渠萬事非



劔南詩橐卷二十五

欽定四庫全書

集部

劔南詩藁卷二十六

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官修撰臣戴衢亨

謄錄監生臣楊浚明

欽定四庫全書

劍南詩彙卷二十六

宋 陸游 撰

醉卧松下短歌

披鹿裘枕白石醉卧松陰當月夕
寒藤夭矯學草書天風蕭森入詩律
忽然夢上百尺顛綠毛邂逅巢雲仙
相攜大笑咸陽市俯仰塵世三千年

霜草

入冬已兩旬澤國霜始實可憐青青草一夕生意盡嗟
予蒲柳姿去日若飛隼草衰有復榮我髮寧再鬢微官
雖置散束帶終自憫漸退用嬾言千載付一哂

白樂天
詩曰猶

被妻兒教漸退莫
求致仕且分司

冬夜

百錢買菅席錦茵亦何加疋布縫麗裘安用狐腋奢昨
者南山僧松肪寄一車可以照讀書堅坐待朝霞顧影
為發笑山童雙髻丫一掬琴高魚聊用薦夜茶

村東

村西行藥到村東沙路溪流曲折通
莫問梅花開早晚
杖藜到處即春風

小園

新作小溪園牽藤迤縛門釣船橫北渚
樵路接東村靜
坐依林樾慵眠傍竹根還家日已夕
棲雀鬧黃昏

書適

老翁垂七十其實似童兒山果啼呼覓鄉
儻喜笑隨羣

嬉累瓦墻獨立照盆池更挾殘書讀渾如上學時

又

家食身無役耆年力未衰寓歡那待酒隨意或成詩窮
達元非我冤親竟是誰惟嗟見事晚枉却鬢邊絲

狂夫

狂夫與世本難諧醉傲王侯亦壯哉奕奕方叔巖際電
酣酣已起枕間雷回天力在人終歎八月星來敵自摧
千載鬼雄皆國士直令窮死未須哀

白髮

白髮今年一倍增
閉門養此老無能
牛羊被野霜天晚
禾稼連雲歲事登
未午春炊餘脫粟
乍寒包裹有麤絳
自憐未廢詩書業
父子蓬窗共一燈

檢舊詩偶見在蜀日
江濱池頭爛醉歸
青旗日晚插城扉
正馳玉勒衝紅雨
又挾金丸伺翠衣
老境漸侵歡意盡
舊遊欲說故人稀
憑高三歎君知否
倦鷁無風亦退飛

十一月四日風雨大作

風卷江湖雨闇村
四山聲作海濤翻
溪柴火軟蠻氊暖
我與狸奴不出門

又

僵卧孤村不自哀
尚思為國戍輪臺
夜闌卧聽風吹雨
鐵馬冰河入夢來

冬日觀漁獵者

人間漁獵各相從
南陌東阡處處逢
繡羽觸機餘耿介

錦鱗出網尚噉喁傍觀扶杖常移日就買還家足御冬
更待風霜都過盡却從春野看春農

雨晴

山川炳煥似闢國風雨退收如解嚴老子真成無一事
抱孫負日坐茆簷

病起

少年射虎南山下惡馬強弓看似無老病即今那可說
出門十步要人扶

奉祠

明窗松日供琴薦小鼎山泉煮藥苗
乞得奉祠還自愧
猶將名姓到中朝

假寐見海山異甚作小詩記之

海如黛色深浪作雪點濺數峯黃金山巉絕出水面此
非想與因了了目中見何時真往遊浮世付掣電

松下縱筆

自掃松陰寄醉眠龍吟虎嘯滿霜天
却思初到人間世

似是唐堯丙子年

又

老不能閒莫笑予五千言豈世間書青松折取當麈尾
為子試談天地初

又

種玉餐芝術不傳金丹下手更茫然陶公妙訣吾曾受
但聽松風自得仙

又

髯龍天矯欲飛去百尺蒼藤羅絡之應笑此翁才不進
故將老氣起吾詩

拜勅口號

黃紙如鴉字今朝下九天身居鏡湖曲銜帶武夷仙日
絕絲毫事年請百萬錢

祠俸錢粟絮帛
歲計千緡有時

恭惟優老政千

古照青編

又

扶病中庭拜君恩抵海深頓增新祿格暫拂舊朝簪心

欲先營酒兒言且贖琴人生奉祠貴喜色動山林

僕以官視

大卿監俸給皆增於昔尤為忝竊也

間居

土鎗茶七椀瓦甌糴三升兀兀能言石騰騰有髮僧淨
巾裁白纈拄杖采紅藤尚喜冬來健逢山得遍登

十一月十八日蒙恩再領沖佑鄰里來賀謝以長
句

綠章封事徹虛皇黃紙除書降野堂海上春常探先到

壺中日已不勝長冰銜再署仙班貴鶴料重支玉粒香

便掛朝冠亦良易金銅茶籠本相忘

往時嘗使閩者例餽茶三年今不講

已久余蓋未

嘗霑及也

題老學菴壁

此生計愈蕭然架竹苦茆只數椽萬卷古今消永日
一窗昏曉送流年太平民樂無愁歎衰老形枯少睡眠
喚得南村跛童子煎茶掃地亦隨緣

冬晴日得閒遊偶作

不用清歌素與蠻間愁已自解連環閨年春近梅差早
澤國風和雪尚慳詩思長橋蹇驢上碁聲流水古松間
賤天有事君知否正乞柴荆到死間

示元禮

燕居侍立出扶行見汝成童我眼明但使鄉閭稱善士
布衣未必媿公卿

書巢冬夜待旦

掃葉擁堦寒犬行編茆護柵老雞鳴風霜漸逼歲時晚

形影相依燈火明史策千年媿豪傑關河萬里愴功名
固應死抱無窮恨老病何由更請纓

醉後莊門望西南諸山

身是咸陽舊酒徒龍鍾猶復泥村酤百年畧似夢長短
一醉且隨家有無登覽未應慚脚力功名正爾歎頭顱
夕陽又凭闌干立誰畫三山岸幘圖

著書

平生著書汗馬牛一事不施今白頭河洛未清非我責

山林高卧復何求，愚公可笑金堆屋。
老子唯須糟築邱，華表無人識歸鶴。
烟波底處有馴鷗。

探梅

我遊東村衝暮烟，斷橋流水鳴濺濺。
欲尋梅花作一笑，數枝忽到拄杖邊。
高標兀合著山澤，絕豔豈復施丹鉛。
定知曾授餐玉法，不爾恐是凌波仙。
錦江賦詩忽萬里，蓬山把酒今三年。
相逢風味宛如昨，人生何者非前緣。
頗思取醉極清賞，杖頭幸有百許錢。
但判插破烏紗帽。

莫記吹落黃金船

歲暮風雨

驕風起海溼浩蕩東北來鐵騎掠陣過秋濤觸山回老
夫北窗下坐守寒爐灰處世困憂患萬事學低摧便欲
滅燈睡門閉不敢開並海固多風汝孱良可哀念昔少
年日從戎何壯哉獨騎洮河馬涉渭夜銜枚

又

一冬少雨雪人意常昏昏夜半有奇事雨聲卷江村陸

子真老農破屋依頽垣扶持衰病身
收召譴逐魂手烹牆陰薺美若乳下
豚聽雨取一醉不厭村酒渾眼青燈
生暈衣弊蟲可捫父子幸相守萬事
何足論

自夏秋賈甚慨然有感

萬卷縱橫眼欲枯老猶閉戶誦唐虞
故人誰復訪生死鄰父幸能通有無
雲子翻是新稻飯天吳坼繡舊衣襦
時平得掩松根骨也勝王孫泣路隅

題四仙像

反敵鯨鯢世共讎漢公勲業過伊周市門灑淚塵埃裏
誰與朝廷植委裘

梅福

又

世上年光東逝波咸陽銅狄幾摩挲神仙不死成何事
只向秋風感慨多

薊子訓

又

曾看四嶽薦虞鰥閱歲三千一瞬間歸卧青山孤絕處

白驢常伴白雲間

張果

又

蓮花峯下張超谷此老何曾有死生聞道清風明月夜

至今鼻息亂松聲

陳搏

自責

窮途敢恃舌猶存小築城西十里村未掛衣冠慙士節
免輸薪粲荷君恩文章跌宕忘繩墨學問荒唐失本原
仕宦一生成底事子孫世世記吾言

自解

四十頭顱已可知殘年至此復何為著書不直一盃水
看鏡空添千縷絲達官獨驕儒作戲後生速化吏為師
有冠當掛無餘說但恨衰翁見事遲

午睡起消搖園中因登山麓薄暮乃歸

老病攻百骸微纒困束縛頽然一孰睡如獲萬金藥窗
明竹影亂林暖鳥聲樂灰深香欲上火活湯正作毫甌
羞茗薺銅洗供盥濯整巾出庭戶曳杖歷巖壑遙岑見
木杪細水齧籬脚跼蹐遂忘歸清嘯送日落

羣兒

野行遇羣兒呼笑運甓忙共為小浮圖嶙峋當道旁
蜺殼以注燈椀足以焚香須臾一闕散無益亦何傷
古來富貴人我冠登廟堂謀謨一悖謬縣宇失太康
坐令安業民血喋而屍僵傳呼一朝寵遺患日月長
均為兒戲爾禍機孰深藏我作羣兒詩特用砭世盲

久疾灼艾小愈晚出門外

老境侵凌病滿軀火攻下策得枝梧
沽來村酒初判醉

叱去山童不遣扶霜重木凋鴉可數溪清魚見鸛相呼
興闌却掩齋扉卧間看青燈照藥爐

夙興弄筆偶書

憂患熏心少睡眠雞號窗白一欣然道旁歲晚貂裘弊
燈下書成鐵硯穿杜老慣聽兒索飯鄭公何啻客無氈
春風不解嫌貧病尚擬花前醉放顛

縱筆

山合水將窮真宜著放翁醉嫌天地迮老覺歲時公偃

蹇松逃世翩仙鶴駕風舊交零落盡一笑與誰同

冬晴閒步東村由故塘還舍作

故園三徑可婆娑遇興遵塗負杖歌霜重天寒山色淡
草枯野曠獵徒多解刀尚可謀黃犢揮帖無由致白鵞
自計長閒何所恨一生心事在烟波

又

紅藤拄杖獨相羊路遶東村小嶺傍水落枯萍黏蟹
鄉人植竹以取蟹謂之蟹榘

雲間寒日上魚梁洛陽二頃言良是光

範三書計本狂歷盡危機識天意要令閒健返耕桑

十二月八日步至西村

臘月風和意已春時因散策過吾鄰
草烟漠漠柴門裏牛跡重重野水濱
多病所須唯藥物差科未動是閒人
今朝佛粥更相餽更覺江村節物新

夜聞湖中漁歌

夢回一燈翳復明卧聞湖上漁歌聲
嗚嗚乍低忽更起嫋嫋欲斷還微縈
初隨缺月墮烟浦已和殘角吹江城

悲傷似擊漸離筑忠憤如撫桓伊箏放臣萬里憂國淚
成客白首懷鄉情峽猿失侶方獨宿沙雁垂翅猶遐征
巴巫竹枝短亭晚瀟湘欸乃孤舟橫世間此恨故相似
使我百感何由平

忽得京書有感

白髮蒼顏七十翁朽株枯木略相同如山儲藥難醫拙
齊斗堆金不換窮昨夢已拋空劫外殘年全付醉眠中
故人苦未知心事一紙空煩寄斷鴻

晚步門外書觸目

數椽茆屋鏡湖旁
喬木蒼烟一徑長
酒賤過門多醉叟
天寒棲畝有餘糧
歌呼草市知人樂
簫鼓叢祠喜歲穰
只道老來詩思盡
未妨擊壤頌時康

親舊書來多問近況以詩荅之

耐辱推頽百不能
居然老病住菴僧
流年速似一彈指
更事多於三折肱
庭樹影中聞夜汲
鄰機聲裏對寒燈
沈詩任筆俱忘盡
酒戶新來却少增

開書篋見韓元咎書有感

老覺人間萬事非
幽棲幸已脫塵鞿
殘年得飽不啻足
舊友半空誰與歸
開眼不妨成一夢
翦翎何至羨羣飛
龍圖老子今安在
把卷燈前淚滿衣

夜大雪歌

朔風吹雪飛萬里
三更簌簌鳴窗紙
初疑天女下散花
復恐麻姑行擲米
異哉凍硯已生冰
信矣重衾如潑水
山中卧澗松竹折
庭前蔽地烏鳶死
昨日之燠殊昏昏

桃李欲坼春滿園陰陽錯謬世或有物窮則變古所言
雖云明年幸一麥凍餒溝壑知誰存嗚呼今夕之雪未
足論所憂明日巖巖高塞門

寄宇文成州

成州太守比何如夢裏依然把臂初復起卿當用卿法
長閒吾實愛吾廬五湖風雨孤舟夜萬里關山一紙書
正使兩翁長隔濶子孫他日莫相疎

示子聿

我鑽故紙似癡蠅
汝復孳孳不少憊
父子更兼師友分
夜深常共短檠燈

雪

平郊漫漫覺天低
沉復寒雲結慘悽
老子方驚飛蛺蝶
羣兒已說聚狡狴
中宵鳶墮頻推木
徹旦雞瘖重壓棲
只待新晴梅塢去
青鞵未怯踏春泥

夜坐

耿耿殘燈夜未央
負牆間對篆盤香
風號東北河水合

月落西南竹影長孤鵲欲棲頻繞樹寒龜無息穩搯牀
頽然坐睡那知曉推戶朝曦已滿廊

春雨

午夜聽春雨發生端及期世憂殊未艾天意固難知士
節承平日人材南渡時後生聞見狹撫枕歎吾衰

夢與數客劇飲或請賦詩予已大醉縱筆書一絕
覺而錄之

高談雄辯憑陵酒豪竹哀絲蹴蹋春占斷名園排日醉

不教虛作太平人

世事

世事說來猶可厭
宦情夢裏亦應無
山林已結三生願
朝市誰非九折途
醉舞盃盤無藉在
狂吟風月不枝梧
何人今擅丹青藝
為畫蘇門長嘯圖

二子

兩楹夢後少真儒
毀譽徒勞豈識渠
孟子無功如管仲
揚雄有賦似相如
敬王事業知誰繼
準易工夫故不疎

孤學背時空絕歎白頭窮巷抱遺書

謝郭希呂送石洞酒

從事今朝真到齊春和盎盎却秋淒色如夷甫玉麈尾

價敵茂陵金褭蹏瑞露頗疑名太過橐泉猶恨韻差低

山園雪後梅花動一榼常須手自攜

瑞露桂盃酒得名甚盛橐泉岐下酒

自昔名冠關中而失之太勁

飲酒

六十四民安在哉千八百國俱烟埃世人一漚寄巨海

對酒不醉吁可哀平生清狂今白首芒屨布裘稱野叟
晨興窗几網蛛絲石洞書來餉名酒看月直到月無時
尋花直到花片飛醉中往往花壓帽鄰里聚看湖邊歸
先生兩耳不須洗利名不到先生耳狂歌起舞君勿嘲
青山白雲終醉死

無題

金鞭朱彈憶春遊萬里橋東罨畫樓夢倩曉風吹不去
書憑春雁寄無由鏡中顏鬢今如此幙下朋儔好在不

篋有吳牋三萬箇擬將細字寫新愁

雨雪兼旬有賦

冬溫思雨雪稍久已復厭初寒人怨咨千載語猶驗人
心自無常天命本不僭積陰勢已極浮雲會當歛山花
紅酣酣溪水綠灩灩短篷倘可具與子東入剡

北窗睡起

違物離人不計年萬金難買北窗眠高懷元在羲皇上
大事已明空劫前樵路細盤雲外嶺釣筒倒插水中天

此時消息君知否千載巢由未足賢

立春

紹熙又見四番春春日春盤節物新獨酌三盃愁對影
例添一歲老催人菊芽冒土如爭出柳色搖村已漸勻
身是蘭亭山下客未容逸少擅清真

曉枕

殘漏簌簌急明星磊磊高一從安枕卧無復攬衣勞慰
斗生晨火熏籠覆緼袍一盃山藥酒紅日滿亭臯



落梅

雪虐風饕愈凜然花中氣節最高堅
過時自合飄零去恥向東君更乞憐

又

醉折殘梅一兩枝不妨桃李自逢時
向來冰雪嚴凝地力斡春回竟是誰

閒居無客所與度日筆硯紙墨而已
戲作長句

水複山重客到稀文房四士獨相依
黃金那得與齊價

白首自應同告歸
韞玉面凹觀墨聚
浣花理膩覺豪飛
韞玉溜硯名
浣花蜀牋名
興闌却欲燒香睡
閒聽松聲晝掩扉

壬子除夕

前村後村燎火明
東家西家爆竹聲
老逢新正幸強健
却視徂歲何崢嶸
兒時祝身願事主
談笑可使中原清
豈知一出踐憂患
斂縮豈復希功名
雪霜滿鬢覺死近
節物到眼空歎驚
蠶官社公正暖
熱春盤難鼓爭
施行
蓬門車馬所不至
山僧野叟相逢迎
嗚呼吾曹見事晚

古俗實在蚩蚩氓茆簷一笑語兒子明當滿奉屠蘇觥
癸丑正月二日

朱顏不老畫中人綠酒追歡夢裏身堪笑三山衰病叟
閉門寂寂過新春

又

菊叢抽綠滿枯茭繞舍梅花已遍開須信今春春事早
江鄉開歲有犇雷

避世行

君渴未嘗飲鵠羽君飢未嘗食烏喙惟其知之審取舍
不待議有眼看青天對客實少味有口啖松柏火食太
多事作官蓄妻孥陷穽安所避刀鋸與鼎鑊孰匪君自
致欲求人迹不到處忘形麋鹿與俱逝杳杳白雲青嶂
間千歲巢居常避世

稽山農

余作避世行以為不
可常也復作此篇

華胥氏之國可以卜吾居無懷氏之民可以為吾友眼
如巖電不看人腹似鵠夷惟貯酒周公禮樂寂不傳司

馬兵法亡亦久賴有神農之學存至今扶犁近可師野
叟粗繒大布以禦冬黃梁黑黍身自春園畦剪韭勝肉
美社瓮撥醅如粥釀安得天下常年豐老死不見傳邊
烽利名畫斷莫挂口子孫世作稽山農

牧牛兒

南村牧牛兒赤脚踏牛立衣穿江風冷笠敗山雨急長
陂望若遠隘巷忽相及兒歸牛入欄烟火郊簷溼

讀書未終卷而睡有感

暮年緣一嬾百事俱棄置今遂嬾到書把卷輒坐睡其
餘嬾則已感此獨歔歔念昔少壯時日夜痛磨礪誓言
死為期身在敢暴棄寧知未死前殆欲負此志顏回稱
好學揚雄乃識字勉哉慕前修自畫聖所諱

早春新晴

柳弄春柔拂小潭山橫霽色卷浮嵐飛揚旛脚擲東北
零落梅花餘二三村店疎燈新賣酒神祠疊鼓正祈蠶
幽人睡起東園去芹茁萱芽又滿籃

枕上聞禽聲

屏掩輕寒酒半消
斷香殘夢兩無憀
開年春意遽如許
破曉一聲婆餅焦

感舊

憶從南鄭入成都
氣俗豪華海內無
故苑燕開車載酒
名姬舞罷斗量珠
浣花江路青螭舫
槎柳毬場白雪駒
回首壯遊真昨夢
一竿風月老南湖

鏡湖一名南湖

夜雨

澤國寒多雨畸人夜少眠不緣醒作病只合醉終年庭
草已爭茁園梅空自憐重雲不難抉無劒倚青天

又

寒雨連三夕幽居只數椽家貧輕過節身老怯增年日
月悲歌裏關山淚眼邊梅花自開落歎息為誰妍

又

人日春猶淺雞晨夜向闌殘缸燈暈小單枕雨聲寒難
補皇天漏空思后土乾山家尊酒薄懷抱若為寬

初晴野步

入市路三叉緣山港半斜疎簾帶殘雪幽竇瀉湍沙好
鳥晴相語芳蘭暝欲芽病餘無脚力隨處憩人家

明日復雨排悶

湖上孤村冷欲冰更堪衰與病相乘夢回點滴簾間雨
心折青檠帳外燈雖有數椽常似客僅存一肉未成僧
披衣偶取南華讀打破愁城喜不勝

又

此老在家如出家蒲團趺坐讀南華溼雲不散雁呼伴
幽室無聲燈墜花心法先當破巢窟世緣最忌養萌芽
行年七十方知悔萬事無涯生有涯

小室

小室僅容膝焚香觀昨非出門寧有碍知我正須希霜
橘爭碁樂仙壺賣藥歸平生釣竿手不解叩黃扉

浮世

浮世如流水滔滔日夜東百年均夢寐萬古一虛空青

鳥來雲外銅駝卧棘中相逢惟痛飲令我憶無功

紅梅

苧蘿山下越谿女戲作長安時世粧白白朱朱雖小異
斷知不是百花香

又

雪裏溪頭已占春小園又試晚粧新放翁老去風情在
惱得梅花醉似人

湖上

今朝雨初晴湖上好天色落梅紛可藉桑柳亦已拆老
夫病良已並水散輕策冉冉春物新忽忽衰髮白四方
豈不樂嬾情畏遠客惟當勤買酒東城復南陌

晴甫一日復大風雨連日不止遣懷

書劔當年隘九州白頭歸卧一窗幽染成草色春猶淺
老盡梅花雨未休得句已無前輩賞開編時與古人遊
山房小甕今朝熟不恨尊前自獻酬

癸丑上元三夕皆大雨雪

雨雪連三日孤城冷欲冰
泥深唯響屐風惡更吹燈
空惱追歡客何關在定僧
一盃嘗豉候寒影對峻嶒

寓歎

人生各自有窮通
世事寧論拙與工
裹馬草心空許國
不龜手藥却成功
早朝玉勒千門雪
夜坐蓬窗萬壑風
借得奇書且勤讀
小兒能續地爐紅

子坦以新昌木炭二百斤來

幽興

雨後梅花無復在
老來酒盞頓成疎
身如海燕不逢社

家似瓜牛僅有廬短髮垂肩嬾中散
深居謝客病相如
從今何以消長日
荆種芭蕉學草書

細梅

疎影橫斜事已非
小園日暮鎖芳菲
素綃應怯東風思
故著重重淺色衣

又

香似海沈黃似酒
不禁風雪最遲開
放翁欲作梅花譜
蠟屐搢笻日日來

又

紅梅眼看風吹盡更有細梅亦已無
天與色香天自愛
不教一點上蜂鬚

劔南詩藁卷二十六